

輒傷剽虎獸打平人搶奪財物犯該徒罪以上初犯充軍為民若節次搶奪財物及再犯累犯俱枷號一月照前發落例

成化十五年十一月初十日掌都察院事太子太保兵部尚書兼左都御史王等題為禁治兇惡累事河南道呈照得京城內外及通州等處有等兇惡無籍之徒輒

白昼在街撒潑毆打平人搶奪財物一二次者有之累犯不俊者有之皆以為常恬不知懼此等犯人論罪止該滿貫徒原情甚於強盜若不嚴加禁約無以警戒將來先年雖節有奏准事例緣輕重不一之唯遵守查得先被刑却題兩京城內外附近闔廟市鎮各處有等無籍之徒旗校舍

餘匠役人等三五成群白昼在街撒潑毆打平人搶奪財物犯該笞杖及不滿貫徒罪至雜犯死罪軍發落者再犯與滿貫徒罪至雜犯死罪軍按旗校舍人等俱發邊遠充軍民發口外為民戍官奏

開區處奉

聖旨是欽此欽遵此例分別軍民戍官及初犯再犯坐罪不冒枷號又查先該大理寺題有白昼二三成群撒潑在街搶奪財物者枷號一月滿日送兵部定發邊衛充軍奉

聖旨是欽此欽遵此不分軍民戍官初犯再犯一体枷號充軍查得先該本司題問擬白昼搶奪財物犯該徒流罪及雜犯死罪者軍發邊衛充軍民發

口外為民戍官奉

請定奪若再犯累犯不悛者照例枷號一月滿日仍發邊衛充軍奉

聖旨是欽此欽遵此例分別軍民戍官坐罪犯者不冒枷號再犯累犯不分軍民戍官一体發邊衛充軍又查先該本院題通州一帶白昼三五成群撒潑在街搶奪財物係在犯者枷號一箇月滿日軍發邊衛充軍民發口外為民奉

聖旨是欽此欽遵此例分別軍民坐罪再犯累犯枷號其初犯及戍官不冒該載前後事例不同事發到官難以發落呈乞施行等因到院臣等會同刑部大理寺太子少保刑部尚書林等議得法令責平從宜事体在乎歸一即將兩京城內外與通州等處



此等兇犯數多前項事例或枷號或不枷號  
或分初犯再犯或不分初犯再犯或分軍民戍  
官或籍二三成群或籍三五成群且行於京城  
者不曾行於南京行於南京者不曾又於通州此  
條前後不同委的人難遵守但初犯一次者既發  
邊衛充軍及口外為民又行枷號恐法令大過節  
次再犯累犯者雖發邊衛充軍及口外為民若不  
枷號又無以警衆合無今從南北二京內外并通  
州附近等處俱有兇犯刺戍等項名色白昼在街  
撒潑毆打平人搶奪財物事發到官鞫問明白該  
管杖罪者俱照常例發落徒罪以上不分人多人  
少初犯一次者不必枷號屬軍衛管轄者俱發  
邊衛充軍屬有司管轄者俱發口外為民原

係邊軍邊民等項各夾杖一百發極邊常川

守哨戍官有犯照例議擬奏

請定奪若雖係初犯節次搶奪及再犯累犯者俱發原地

方枷號一箇月滿日仍照前例分別軍民戍官發

去充軍為民守哨奏

請施行如此庶事歸一体兇暴知懼緣係事例未敢擅便具

題次日奉

聖旨是欽此